

PRAVILNIK

O MJERILIMA ZA UTVRĐIVANJE NAKNADE POVJERENICIMA U IZVRŠAVANJU KRIVIČNE SANKCIJE "RAD ZA OPĆE DOBRO NA SLOBODI"

Član 1.

Ovim Pravilnikom propisuju se mjerila za utvrđivanje mjesečne naknade za rad povjerenika u izvršavanju krivične sankcije - rad za opće dobro na slobodi.

Član 2.

Mjesečna naknada za rad povjerenika u izvršavanju deset dana rada osuđenika za opće dobro na slobodi obračunava se u iznosu od 30% od prosječne neto plaće zaposlenih u institucijama Bosne i Hercegovine, koja se objavljuje početkom svake godine u "Službenom glasniku BiH" ili navedenih podataka dobivenih iz službene evidencije Ministarstva finansija i trezora BiH.

Trajanje rada za opće dobro na slobodi određuje se srazmjerno izrečenoj kazni zatvora tako da je deset radnih dana jednako jednom mjesecu zatvora, što znači da dnevna naknada za rad povjerenika iznosi 3% od prosječne neto plaće zaposlenih u institucijama Bosne i Hercegovine.

Član 3.

Mjesečna naknada u izvršavanju krivične sankcije rada osuđenika za opće dobro na slobodi može se uvećati za dodatnih 10% iz člana 2. ovog Pravilnika ukoliko se kod jednog povjerenika na izvršavanju navedene krivične sankcije nalaze dva ili više osuđenika.

Član 4.

Putni i drugi troškovi povjerenika isplaćuju se na osnovu vozne karte ili potvrde prevoznika. Izuzetno, u slučaju nemogućnosti korištenja sredstava javnog prijevoza, može se odobriti korištenje osobnog vozila u službene svrhe s tim da se naknada isplaćuje prema propisima i pravilima koja važe za budžetske korisnike na nivou Bosne i Hercegovine.

Član 5.

Sredstva za naknade iz člana 2., 3. i 4. ovog Pravilnika osiguravaju se u budžetu namijenjenom za rad institucija Bosne i Hercegovine. Naknade isplaćuje Ministarstvo pravde Bosne i Hercegovine mjesečno, i to unazad za svaki protekli mjesec.

Član 6.

Ovaj Pravilnik stupa na snagu osmog dana od dana objavljivanja u "Službenom glasniku BiH".